

AUGLÝSING

162
16. ágúst

um staðfestingu félagsmálaráðuneytisins á reglum nefnda til úthlutunar bóta samkvæmt lögum um atvinnuleysistryggingar.

Samkvæmt lögum nr 29 7. apríl 1956, um atvinnuleysistryggingar, hefur ráðuneytið staðfest reglugerð fyrir eftirtaldar úthlutunarnefndir atvinnuleysisbóta, sbr. auglýsing ráðuneytisins, nr. 16, B-deild Stjórnartíðinda 7. febrúar 1957:

25. Nefnd Hins íslenska prentarafélags. Staðfest 17. nóv. 1958.
26. Nefnd Verkalýðs- og sjómannafélags Bolungavíkur. Staðfest 10. febr. 1959.
27. Nefnd Verkalýðsfélagsins Brynju, Þingeyri. Staðfest 16. febr. 1959.
28. Nefnd Verkalýðsfélags Þórshafnar. Staðfest 10. júlí 1959.
29. Nefnd Verkalýðs- og sjómannafélags Miðneshrepps, Sandgerði. Staðfest 3. febr. 1960.

Félagsmálaráðuneytið, 16. ágúst 1960.

F. h. r.

Gunnlaugur Þórðarson.

Helgi Helgason.

AUGLÝSING

163
26. ágúst

um umferð í Hafnarfirði.

Að fengnum tillögum bæjarstjórnar Hafnarfjarðar hafa verið settar eftirfarandi reglur um umferð skv. heimild í 65. gr. umferðarlaga nr. 24 frá 2. maí 1958.

1 Aðalbrautir.

Ákveðinn hefur verið aðalbrautarréttur á eftirtöldum götum:
Sniðgötu — Strandgötu — Reykjavíkurvegi að Bessastaðavegamótum.
Suðurgata frá Lækjargötu að vegamótum Reykjanesbrautar.

Við vegamót Sniðgötu og vegamót Reykjanesbrautar hafa þær götur forgangsrétt fyrir umferð um Suðurgötu.

Athygli skal vakin á því, að vegir, sem liggja að aðalbrautum, eru við vegamótin merktir biðskyldu eða stöðvunarkerki.

2. Einstefnuakstur.

Ákveðinn hefur verið einstefnuakstur á eftirtöldum götum:
Merkurgötu frá Vesturbraut að Vesturgötu,
Kirkjuvegi frá Reykjavíkurvegi að Hellisgötu,
Nönnustíg frá Reykjavíkurvegi að Norðurbraut,
Vitastíg frá Linnetsstíg að Álfaskeiði,
Sunnuvegi frá Hverfisgötu að Mánastíg,
Brekkugötu frá Lækjargötu að Selvogsgötu.

3. Takmörkun á bifreiðastöðum.

- a. Bifreiðastöður eru bannaðar á Strandgötu að vestanverðu við götuna frá Vesturgötu að Lækjargötu.

163
26. ágúst

b. Að austanverðu við Strandgötu frá Reykjavíkurvegi að Lækjargötu eru bifreiðastöður takmarkaðar við 15 mínútur í einu á virkum dögum frá kl. 9.00—19.00 nema á laugardögum kl. 9.00—13.00.

Þetta tilkynnist öllum, sem hlut eiga að máli.

Lögreglustjórinn í Hafnarfirði, 26. ágúst 1960.

Björn Sveinbjörnsson
settur.

164
3. sept.

AUGLÝSING

um viðauka og breytingar á lyfsöluskrá II.

Frá og með 5. september 1960 ganga í gildi viðaukar og breytingar útgefnar í dag á lyfsöluskrá II frá 10. desember 1958.

Í dóms- og kirkjumálaráðuneytinu, 3. september 1960.

F. h. r.

E. u.

Ragnar Bjarkan.

165
7. sept.

REGLUGERÐ

fyrir vatnsveitu Drangnesþorps.

1. gr.

Hreppsnefnd Kaldrananeshrepps hefur einkaleyfi til reksturs vatnsveitu og sölu vatns á kaupstaðarlóð Drangnesþorps, svo og einnig til Drangneshafnar og frystihúss.

2. gr.

Vatnsveitunefnd, sem kosin er af hreppsnefnd til fjögurra ára í senn, annast öll framkvæmdastörf, svo sem viðhald og endurbætur vatnsveitunnar, en fjárreiður og þar með innheimtustörf skulu vera í höndum oddvita, þó skal vatnsveitunefnd skyld á hverjum tíma, að aðstoða oddvita við þessi störf, sé farið fram á það.

Vatnsveitunefnd skal skipuð þremur aðalmönnum og þremur varamönnum. Hreppsnefnd tilnefni formann nefndarinnar.

3. gr.

Vatnsveitan láti leggja aðalvatnsæð um kauptúnið, svo að húseigendur eigi greiðan aðgang að þeim, í fyrirhuguðu vegarstæði eða götu, þar sem það er hægt, eða sem næst lóðarmörkum.

Frá aðalæð skulu húseigendur sjálfir leggja vatnsæðar í hús sín, á sinn kostnað.

4. gr.

Hver sá er vill komast í samband við aðalæð vatnsveitunnar, skal sækja um það skriflega til vatnsveitunefndar.